



Posbus 7113, Newtonpark, 6055
Telefoon (041) 3651233
Faks (041) 3652586
h/v Willetstraat en 4de Laan, Newtonpark, 6045

Uitnemendheid begin by omgee

NUUSBRIEF 31 13 September 2019

UIT DIE KANTOOR

Geagte Ouers

GESINSKAMP

Ons wil al die ouers wat die gesinskamp bygewoon het bedank vir jul teenwoordigheid. Dit was 'n baie lekker kamp met die kinders wat die vlak vol gespeel het. Indien u foto's geneem het, sal ons bly wees as u dit aan ons deurstuur, want ons wil dit graag op die D6-Skoolkommunikeerder plaas.

Dan wil ons ook die onderstaande wenners van die "Minute to win it" brandstofpryse wat deur Caltex Topgear geskenk is, hartlik gelukwens:

- Mnr. Jerome Gouws (Jayden Gouws – graad R1)
- Mnr. Hart (Andrew Hart – graad 5Z)
- Mnr. Strydom (Mia Strydom – graad 2S)
- Mnr. Van Wyk (Tristan van Wyk – graad 5V)
- Mnr. Kühn (Anike Kühn – graad 7E)
- Mnr. Potgieter (Matthys Potgieter – graad 5S)
- Mnr. Schoultz (Mikayla Schoultz – graad 6H)

Ons beplan verseker 'n kamp vir volgende jaar en gaan hard probeer om weer by Willows te bespreek.

DAMESTEE : 12 OKTOBER 2019

Graag wil ons u aandag solank op ons jaarlikse damestee wat op Saterdag, 12 Oktober om 10:00 in ons skoolsaal gaan plaasvind, vestig. Ons is baie opgewonde om die bekende akteur, Ramey Short van Binnelanders-faam, as die gasspreker by ons te verwelkom. Kaartjies sal binnekort by Mev. Laas in die kantoor teen R120 per persoon beskikbaar wees en verdere inligting sal volg.



SOMERSDRAG: 1 OKTOBER (vlg. Huiswerkboek: bl. 7)

10. SKOOLDRAG

LET WEL: Slegs twee soorte drag, nl. winter- en somerdrag word toegelaat. Geen sweetpakke of trui word in die plek van die baadjie toegelaat nie.

10.1 SOMER: (1ste en 4de kwartaal)

10.1.1 SEUNS:

Grys kort- of langbroek, wit oopknoophemp sonder das met skoolwapen op die sak. Laasgenoemde is verpligtend.

10.1.2 DOGTERS:

Wit oopknoophemp sonder das, maroen skoolrok, kort wit sokkies. Sokkies moet een keer omgeslaan word.

10.1.3 SAAL

Gedurende die somer is die dra van die kleurbaadjie verpligtend tydens saalbyeenkomste. Seuns moet hul baadjies toeknoop.

2020 BEGROTINGSVERGADERING: 17 OKTOBER 2019

Herinnering aan die 2020 begrotingsvergadering wat op Donderdag, 17 Oktober 2019 om 17:30 in die skoolsaal gehou sal word. (Kennisgewing van begrotingsvergadering brief aan u kind gegee op Donderdag, 12 September).

Tydens hierdie ouervergadering sal die voorgestelde begroting vir 2020 aan u voorgelê word vir oorweging en goedkeuring, met of sonder wysiging.

Enige ouer of wettige voog van leerlinge in die skool het die reg om die vergadering by te woon. Die begrotingsdokumente sal vanaf 1 Oktober by die kantoor ter insae beskikbaar wees.

VAKANSIE-NASORG

Indien u kind nie in ons nasorg is nie en u wil graag daarvan gebruik maak stuur asb. 'n e-pos na admin@lnpark.co.za om vorm aan te vra.

Die voorgestelde tydperk is:

1. 23 September tot 27 September (4 dae). (Skole sluit Vrydag, 20 September 2019 en Dinsdag, 24 September is Erfenisdag.)

2. U moet asseblief ook onderneem om die nasorgtye nl. 07:30-17:30, stiptelik te eerbiedig.

Die tarief beloop R 200 per kind (R 350 vir 2 kinders) en is vooruitbetaalbaar.

Slegs leerlinge wie se vakansienasorggeld teen 20 September 2019 inbetaal is, sal toegelaat word. Geen laat inskrywings sal aanvaar word nie, want ons reël toesig volgens die inskrywings tot 20 September.

LAERSKOOL NEWTONPARK FACEBOOKBLAD

Besoek gerus ons skool se amptelike facebookblad, @LaerskoolNewtonpark.co.za, die blad se profielfoto is die skoolwapen. Dis lekker om na foto's te kyk en met ons leerlinge te spog. Bly ook op hoogte met die nuutste gebeure.

SKOOLGELDE 2019

Baie dankie aan al die ouers wat gereeld hul skoolgelde betaal. Ek wil tog 'n vriendelike beroep doen op diegene wat agterstallig is, om die verpligting wat betref u kind se skoolgelde, so spoedig moontlik na te kom. Die skool is verantwoordelik vir sy eie rekeninge, want ons kry **minimale** hulp van die staat. Indien daar nie deur ouers gereageer word deur hul skoolgelde te betaal nie, sal die beheerliggaam genoodsaak wees om verdere stappe te neem. Die betaling van skoolgelde is 'n

wetlike verpligting (staatskoerant no. 29311). Indien u in gebreke bly om u skoolgelde te betaal, sal dit wetlik afgedwing word.

ELEKTRONIESE BETALINGS

REKENINGNAAM **LAERSKOOL NEWTONPARK**
BANK **ABSA**
REKENINGNOMMER **1400490089**
TAKKODE **632005**

Op die verwysing van die inbetaling moet u asseblief die rekeningnommer en/of u kind se naam en van verskaf.

'n Bewys van betaling moet per e-pos na fin@lnpark.co.za gestuur word.



JJ. Pienaar
SKOOLHOOF
E-pos: skoolhoof@lnpark.co.za
Tel : 084693531

ALGEMEEN

BELANGRIKE DATUMS VIR VOLGENDE WEEK:

Die volgende datums moet u asseblief op u kalender aanteken:

- Ma – 16 September : Klerewinkel: **07:30 – 12:00**
Diskonto boekuitstalling
GEEN Sport
Graad 6-leierskapkamp
- Di – 17 September : Bybelvasvra
Graad 6-leierskapkamp
GEEN Sport
Skaak: graad 1 – 2: **13:30 – 14:15 (laaste)**
Skaak: graad 3 – 7: **14:20 – 15:15 (laaste)**
- Wo – 18 September : Algemene kennis
GEEN Sport
Klerewinkel: **12:00 – 14:30**
- Do – 19 September : Dance Kids-ballet graad R: **13:15**
GEEN Sport
Sport- en kultuurtoekenningsaand
- Vr – 20 September : **SKOOL SLUIT om 10:00 (rapporte word uitgedeel aan kinders)**
Klerewinkel: **07:30 – 12:00**

SPORT & KULTUUR

TENNIS : SKOLETOERNOOI

Die 13 tennisspelers wat verlede naweek aan die Laerskool-skole-tennisturnooi by Collegiate en Clarendon deelgeneem het, het hulle baie goed van hul taak gekwyd aangesien dit vir meeste hul eerste toernooi was. Ons wil veral vir Nina van der Merwe in graad 2R wat 2de in die afdeling vir dogters 0/10 geeëndig het, baie gelukwens.

KARATE

Miané Barkhuizen in graad 2R het Saterdag, 7 September 2019, aan die Kicking Cancer Toernooi by Fairview Sports Centre deelgeneem en 'n brons medalje ontvang vir haar Kata. Baie geluk!





LAERSKOOL NEWTONPARK

BEHEERLIGGAAMSPOSTE 2020

Pos 1

Nasorgpersoon (Gr. 4 – 7)

Iemand met ervaring of Unisa Onderwysstudent

Pos 2

Grondslagfase

Opvoeder: graad 1 tot 3

Pos 3

Intermediêre/senior fase

Opvoeder: Wiskunde en Afrikaans Huistaal en Rekenaaronderrig

Taal van onderrig: Afrikaans

Meld buitemuurse ervaring.

(Benodig atletiek-, netbal-, krieket-, tennis en rugby-afrigters)

Sluitingsdatum: 4 Oktober 2019

Stuur aansoek aan:

Die Skoolhoof, Laerskool Newtonpark,
Posbus 7113, Newtonpark, Port Elizabeth

OF

Faks na: 041 – 3652586

OF

e-pos na: skoolhoof@lnpark.co.za

Navrae: 041 – 3651233

- Slegs persone wat na die onderhoud genooi word sal gekontak word.
- **Die persone wat genooi word vir die onderhoud, moet 'n polisie klaringsbewys indien by die onderhoud.**
- **Die beheerliggaam behou homself die reg voor om nie die pos te vul as 'n geskikte persoon nie gevind word nie.**